

کتابخانه

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق بمجموعة اسلاميه در
آتبعون اهدكم سبيل الرشاد

صاحب و مدير مسئول : ح . اشرف اديب

عدد ۲۷ - ۲۰۹ ۲۳ رمضان ۱۳۳۰ پنجشنبه ۲۳ اغستوس ۱۳۲۸ جلد ۲ - ۹

کرید :

ظلم ، مہنایت . — شہر حالک اوچنچی کونی حانیہ شہری خارجندہ کی بلہ قابیغا موقعندہ بر خرستیان ، جالی بابالا کی نامندہ کی مسلمانی قورشونلہ لندن و اوموزلرندن فنا حالہ یارالایوب قاجدی . محل جنایتندہ آبریق اونی دہوشیرمکدہ بولنش اولان برمسلمہ زنجیہ فریاد ایتکہ باشلامش اولغلہ اوکادہ برقورشون آتمش ایسہدہ اصابت صری استیرہ مشدر . « استقبال »

بلغارستان :

اسلامیہ تجارز . — ما کدونیادہ مظالم ، ما کدونیادہ مظالم دیبہ قیامتلر قوپارانلر . عجیابلغارستاندہ مسلمان اہلنہ نہ لراولیور بردفعہ دہ بزی ایشیدیرلری؟ ینہ جان بوغاززہ کلیدیدہ یازمہ دن دورامایہ جغز . فلہیہ ملحق قرچہ قرہ اسلامندہ برہفتہ دہری اہالی اسلامیہ صوک درجہ راحتسز ویزاردہ . اورا بلغار اہالیسندن برقچ کشی اہالیہ تجاوز ایتکدہ ایشلر . کیجہ سحور داووانی پارالامشلر ، اولسکی کیجہ دہ مسلمانلر تراویخ نازندن دار قاجشلر . شمدی بویوک اسلام کوبندہ رمضان داوولی براقیلمادینی کبی اہالییدہ دہ دہشتلی برقورقو وار . چونکہ ایجہ دایاق دہ یہ مشلر وار . « بالان »

تَفْقِیدُ فَرِیضِ

مدنیت اسلامیہ تاریخک خطاری

شیمدی کلہم مؤلفک « معاویہ ، قاریلرک ، چوجقلرک قتلی ایچون امر ویردی » طرزندہ کی سوزینہ . بیلمیلیدرکہ بووقعہ ، یعنی بسر بن ارطاتک حضرت علی طرفدارانہ قارشی سوقی بتون تاریخلر دہ ذکر اولنان وقایعک اک مشہورلرنددر . بونکہ برابر اونلرک ہیچ برندہ قاریلرک ، چوجقلرک اولدیرلرلکنہ دائر بر روایت اولمدقدن باشقہ ، یوقاریدہ کی ادعاہ مخالف خبرلر واردہ . مورخ یعقوبی دیورکہ :

« معاویہ بسر ابن ارطاتی یاخود ابن ابی ارطاط عامری بی اوج بیک کیشی ایلہ کوندردی . کنڈیسنہ دیدی کہ «مدینہ دن کچرکن اہالیسنی چیقار ، قورقوت ، دائرۂ اطاعتمزہ داخل اولمیانلرک ماللری وار ایسہ غصب ایت . مدینہ لیلرہ اوطنی ویرکہ : مقصدک کنڈیلرینی اولدور . مکدر ، نہ یاپارلرسہ یاپسونلر قورتولہ میہ جقلردر . مکہ یہ کیردیکک زمان کیمسہ یہ ایلشیمہ . یالکز مکہ ایلہ مدینہ آردہ سندہ کی خلقی تہدید ایت . صوکر صناعیہ کچ . زرا اورادہ بزہ طرفدار اولان برجاعت وارکہ کنڈیلرندن برعریضہ آلم . » بسر یولہ چیقدی . قبائل عربدن ہانکیسنہ راست کلدی ایسہ معاویہ نک امرینی یرینہ کتیرمہ دن کچمدی . « یعقوبی جلد ۲ صفحہ ۲۳۱ »

شو عبارہ دن اکلا شیلورکہ ایشک ایچندہ تہدیددن ، خلقی وہمہ دوشور مکدن باشقہ برشی یوقدر . لیکن مؤلف شایان اعتماد اولان تاریخی مأخذلرک کنڈی ارزوسنی تطمین ایدہ مدیکنی کورونجہ « اغانی » یہ میل ایدہ رک قادینلرک ، چوجقلرک قتلی حقندہ ویریلن امری اورادن نقل ایتدی . صوکرادہ معاویہ نک حلمندن ، دہسنن

اولوب عثمانی ہلال احمرینہ اون بش بیک لیرای عثمانی قدر بر مبلغ طویلیان و عثمانیغہ اولان صربوویت قلبیہ لری ہردلو تقدیر و ستایشک فوقندہ بولنان دوربانی دارد محمد و محمدوی افندیلر بوکرہ جانب جاز مغفرت طرازہ عزیمت ایتک اوزرہ پانتخت خلافت سنیہ یی زیارت ایلہ مشلر و کچن کون ہلال احمر جمعیتی ادارہ خانہ سندہ کمال توقیر واحترام ایلہ قبول ایدلشلردر .

طلبہ علوم استوائی . — حسب الموسم مدرستہ لری تعطیلی سبیلہ وشہور نشہ مناسبتیلہ محال بعیدہ یہ کیتمش اولان طلبہ علومک برچوغلک اجرای امتحانلری ایچون منسوب اولدقلری اخذعسکر دواثرینہ جلب واعادہ ایدلری مغدوریتلری استلزام ایدہ جکی نظرہ اعتبارہ آلہرق مومی الیہمک مداوم طلبہ دن اولدقلرینی وتاریخ ولادتیلہ معلومات لازمی عنوی اولی اوزرہ یدلرینہ برر وینہ ویرلہ رک بولندقلری محللردہ اک یقین امتحان مجلسلرندہ امتحانلرینک اجراسی ونیجہ نک وثائق مذکورہ یہ درج وتصدیق بالتنسب ایجاب ایدلرہ تبلیغات مقتضیہ اجراقندینی حریہ نظارتندن بیایدیرلرکہ مأمورین ملکیتہ جہدہ اکا کورہ معاملہ اولنسی داخلہ نظارتندن تعمیم اولایانہ اشعار قلمشدر .

ہندستان :

عثمانیہ لری اتفاق دعوت . — مسند جلیل صدارت عظمایہ « متینغ رئیس یعقوب خان » امضاسیلہ کراچیدن کشیدہ قلنان تلغرافنامہ در : « بورادہ متینغ حالندہ مجتمع بولنان مسلمانلر مقتضیات وطنپروری یہ مغایر بر صورتدہ حکمفرما اولان فرقہ اختلافندن دولای اظہار عدم خشنودی ایدر و دین مبین اسلام خرمتہ اولہرق نفاق واغتشاشدن بجانب ایلہ رایت عثمانی طرفندہ ذات حضرت پادشاہی ایلہ برلشمہ لری عثمانیلردن رجایلرلر . عکسی تقدیردہ ہند مسلمانلرینک حسیات خیر خواہانہ لری خللدار اولہ جقدر . »

آفریقا :

عرب مجاہدین اسطوبہ سنک ارناوردلری سکونہ و اتفاق دعوتی . —

« آرنارود فردہ شلرمزہ آجیق مکتوب : « بسم اللہ الرحمن الرحیم » آرنارود قارداشلریمزدن بعضلرینک آفاقلانہرق راحتی اخلاص و عرش خلافتی اشغال ایتکہ سی ایلمکدہ اولدقلرینی کمال تأسفہ خبر آلق .

عون الہی وروحانیت حضرت رسالتنہایدن باشقہ بر ظہیرمن اولیان شو صرہدہ سزدن بکلن ، آنجق اشبو حرب دینی دہ کلمۃ الہی اعلا و بز قارداشلریکزی مشکلاتہ الفا ایدن بر طاقم غوثک ازالہ سی ووصولہ ساعی اولدیغمز مقصد مقدسک حیز فعلہ جیقماسی ایچون اظہار آثار معاونتدر . آنک ایچون سزی « ولا تنازعوا » و « اما المؤمنون اخوة کالبیان المرصوص » آیت جلیلہ لرینک احتوا ایدلکری اوامر الہیہ ایلہ عمل ایتکہ دعوت اندیوروزہ الہک وحدانیتی ورسول کبریائک روحانیتی حقنہ شو قیامدن واز کچیکز . وعاقبتی وخیم اولان شو غفلتدن اویانکزدہ دسائس لشمہ نک نتیجہ سی اولہرق بلادمزہ اصابت ایدن مصیبتلری نامل ایدیکز . اگر سوزمزی اصفا ایتہ جک اولور ایسہ کز سزی اللہ ترک ایدر ذوالبتہ عزیز وجبار اولان حضرت خالق اوکندہ بر موقعمز اولاجقدر .

عموم مجاہدین نامنہ و طرابلس اہالیسی نامنہ : محمد السعدوی ، ابراہیم الشریف ، فرحات الفاضی ، فرح الشریف .

مصر :

زکاتک مجاہدین اعطاسی . — مصر غزہ لرنده او قوندیغہ کورہ بوسنہ

خطۂ مصریہدہ بولونان بالعموم اغنیاء و متمولان ماللرینک زکاتی طرابلس غرب مجاہدلرینہ تخصیص واعطا ایدہ جکلردر . « العلم » غزہ سی بوفکرک محسنانندن باحث اوزون بر مقالہ نصر ایدرک بوبایدہ جمع اولونہ جق مبالغہ قاهرہدہ اعانہ قومیسون عالیسی وزنہ سنہ تسلیمی لزومنی درمیان ایلشدر .

آثار منتشره

صفحات

ایک نچی کتاب

سلمانیه کرسیسمنده

صراط مستقیمده باشلایهرق کچنکی نسخه مزده بیتن بواجتماعی ، دینی منظومه کتاب شکلنده انتشار ایتدی .

هرکسک اکلایسی لازم کلدیکی ایچون هرکسک آکلایه بیله جکی برسان ایله یازیلان بواثر اولاخفیف ، لطیف برمقدمه ایله باشلیور . اسکی کوپرو اوزرندن کچرکن خلیجک ، استانبولک ، یکی جامعک منظره سنی مجملاً تصویر ایدیور . صوکره نظرلری استانبولک ، حتی بوتون عثمانلیکک اک محکم ، اک محتشم آبدۀ لاهوتیسی اولان سلمانیه جامعنه طوغری چورییور . شادیروان قاپیسندن باشلایهرق حولی بی ، معبدک ایچنی ، نمازی بی تیروب تسبیح چکن جماعتک حالتی کوسترییور . دعائی متعاقب کرسی به بوتون عالم اسلامی دولاشمش محترم بریر چیقیور : « سزه وعظایده جک دکم ، جهان توحیدک حالتی اکلاده جغم » دییه سوزه باشلیور . آهنگ بیانیله روحلری مسحور ایدن بواختیار اون اون بش سنه اول سیرپادن قالقوب ملک عثمانیه به کش . ملتی ایقناظ ایچون برخیلی اوغراشمش . لکن حکومتک تعقیباتندن کوز آچه مایهرق تکرار روسیه به کچمش . اوزمانلر ایسه روسیه ده غایت دهشتلی براسبداد حکم سورییورمش . اوقدر تضییقه رغماً بواختیار مطبعه آچمش ، غزتهلر ، رسالهلر چیقاره رق مسلمانلری اوایدیرمق ایچون برچوق چالیشمش . نهایت حکومت مطبعه سنی باصمش ، کنیدیسی ترکستانه قاچمش . قورتیلیمش . بورالری روسیه ده کی مسلمانلرک احوال اجتماعیه واقتصادیه لرله برابر غایت اطرافلی اوله رق حکایه ایدیور . صوکره بخارالری ، سمرقندلری ، ده صوکره چینی ، مانچوریانی ، ژاپونیانی ، کوردیکی کی آکلانیور .

اختیار هندستانی کزرن استانبولده قانون اساسی اعلان ایدلیدیکی خبر آلیور . آرتیق اورالرده طوره مایهرق قالقوب ، بورایه کلیور ، حریتی عثمانیلرک نصل تلقی ابتدکاری ، انقلابدن نه صورتله متأثر اولدقلری آچی برلسان ایله سویلیور . ده صوکره بوتون عالم اسلامی مصاب ایدن فلاکتک عثمانی آفاقی ده تهدید ایتک اوزره اولدینتی اطرافله ایضاح ایدیور . بوسیله ده سویلدیکی سوزلر جماعتی جوش و خروشه کتیرییور . اختیار اونلری تسکین ایتدکن صوکره میدانده کی مرض اجتماعینک ماهیتی ، ادواری ، اصول مداواتی برتقصیل بیلدیریور . اک صوکنده غایت مؤثر برده ایله کرسیدن اینیور .

اترده بوتون عثمانیلرک ، بالخاصه مسلمانلرک کوزلرینی درت آچه جق انتباه لوحه لری طولودر . ایکی غروشه صاتیلان بوکتابدن برر دانه ایدینلرینی محترم قارئلری مزه توصیه ایدرز .

طشره ایچون یکریمی پاره پوسته اجرتی واردر .

مطبعة احمد احسان و شرکائی

مدیر مسئول : اشرف ارباب

بویله برامرک صدوری امید ایدیله میه جکنی ایلری سورهرک « معاویه صراحة بوامری ویرمه مشدر » انجق بیری حرکاتنده سربست برافشدر . بیری ایسه پک قان دوکوجی بر حریف اولدینی ایچون چوجقلری اختیارلری استثنایتمه مشدر « دیور .

یوقاریده سویله مش ایدک که اغائی محاضرات کتابلرنددر . وقعده اهمیتسز ، روایتده لطیفه نوغندندن اولور یاخود جدیات ایله یورولان دماغی دیکلندیرمک ایسته نیلیرسه بوکی اثرلره مراجعتده باس بوقدر . لکن مسئله اهمیتلی ، وقعده اختلافلی اولوب ، نتیجه ده یابرطرفک اعتلاسنی ، یاخود دیگر طرفک الحطاطنی ایجاب ایدرسه او وقت بوکی اثرلره مراجعت قطعاً جائز دکلدر .

قالدی که اغائی صاحبی شیعیدر . معاویه بی لکله جک برشی اولدیمی ، ایسترسه اک ضعیف ، اک اعتماد اولماز برسوز اولسون ، اونی بیکن جان ایله قبول ایدر . اوت بیری برن ارطات ایکی چوجق اولدوردی ؛ لکن بوقتل ایکی آشمیدی . ارتق مؤلفک « بیری حونخوار ایدی . چوجقلری اختیارلری استثنایتمدی » طرزنده کی سوزی زده قالیر ؟ [شیخ شبلی نعمانی حضرتلرینک بیری برن ارطاتی بو صورتله مدافعه ایتلری پک طوغرو اولسه کرکدر]

مؤلف دییورکه : « معاویه کی صاحبی ایله ، متاتی ایله معروف اولان بر آدمک زماننده کی امرانک حالی بویله اولورسه ، ارتق اوشدتی ، اوغدارانی ایله عبدالملکک زمانی نصل اولق ایجاب ایدر ! حجاجک مظلومی حقه ده سویله نن سوزلر ، ولویوزیکرمی بیکن کیشی بی اشکنجه لر التنده اولدوردیکی کوسترسون ، استغراب ایدیله بیلیرمی ؟ جلد ۴ صفحه ۸۳ »

اوت ، حجاج یوز یاخود ایکی یوز بیکن کیشی اولدوردی . لکن بوجنایت دولت عباسیه نک مؤسسی اولان ابومسلم خراسانینک کی یاننده پک اهمیتسز قالیر . زیرا بوبریکی آلتی یوز بیکن کیشی اولدورتمشدی . مؤلف اثرنده بونی اعتراف ایدیور ؛ شوقدر وارکه سیاست اوله ایجاب ایدردی ، دیه قتالی معذور کوسترمک ایستیور . بوحسابه کوره حجاج ده معذور ، ده شایان عفو اولق لازمکلیر . چونکه حجاج خالص عرب اولق اعتبارله طبیعتده غلظت ، شدت واردی . لکن ابومسلم عجم ایدی : آغوش مدنیتده بیومش ، اخلاق کریمه ایله پرورشباب اولمش ایدی !!

مؤلف ، عبدالملک حجاجدن ده ظالم ایدی ، صورتنده کی ادعاسنه عمر ابن سعیدی اولدورمسندن بشقه بردلیل کتیرییور . بو حرکت برغدر اولقله برابر المنصورک ابومسلمه یایدیغه نسبتله پک کوچوک قالیر . او ابومسلمه که دولت عباسیه نک صاحبی ، ولی النعمتی ایدی . او اولماسه ایدی عباسیلرک اسمی بیله آکیلمازدی . کذلک ینه المنصورک ابن هبیره یه اولان غدیری بوقیلدندر . اک زیاده ششایله جق برشی وارایسه اوده شودر : مابعدی وار